

Scholas
Pader-
bornen-
ses flo-
rentissi-
mas red-
dit.

*Auctor vita
Meinvv.*

Rigor S.
Mein-
vverci in
schola-
res.

*Crantzii
lib 4. Me-
trop. c. 4.
Surius in
Junio.*

*Chron.
Mind.
Ertvv. in
fastis Of-
nabr.*

Obitus
Sigeber-
ti Episco-
pi Min-
densis.

ac dona, quibus cathedralem Ecclesiam, Cœnobium Abdinghovi-
anum, & Collegium Canonorum Bustorfianum locupletavit; Si
nimirum Divorum corpora & reliquiæ, si calices aurei & argentei, si
vestes sacrificales, pallia, crucis signa, candelabra argentea, & omnis
sacra supellex ab eo congesta, & ab auctore vitæ consignata percen-
seatur. Non ante eum Episcopus, neque ex Successoribus, qui mayo-
rem thesaurum Ecclesiæ suæ intulerit, aut bibliothecam principis
Collegij librorum copia magnificentius exstruxerit; nam Scholas,
quas Paderbornæ florentes excepit, eas omni studiorum genere &
magistrorum præstantia celebriores reddidit, tantæque doctrinarum
eo Episcopo fama sparsa erat, ut nobilissimi quique per Saxoniam vi-
ri, Comites & Marchiones filios suos Meinwerco, & Scholarum ma-
gistris in disciplinam darent. Ex horum numero S. Anno Colonienfis
Archiepiscopus, Fridericus XVI Monasteriensis Episcopus Marchi-
onis Misniæ filius, Imadus Meinweri ex sorore nepos, & post Ro-
thonem Meinverci in Episcopatu Paderbornensi Successor. Hos
tam arcta cum clericis in disciplina habuit Meinwercus, ut nunquam
ex claustro exire ad parentes invisendos, aut eos alloqui permiserit, af-
ferens pueros à primis annis intra rigorem disciplinæ continendos
esse, ne parentum ac consanguineorum blandimentis emollirentur,
qui ad virtutem & contemptum rerum humanarum educandi
essent. His rebus præclare sanctèque in Episcopatu gestis Meinver-
cus immortalem apud posteros famam reliquit, ut non immerito in-
ter sanctissimos hujus Ecclesiæ Præsules numerandus sit. At tametsi D.
Godehardus à morte statim, quam divinitus acceperat, Beatum pro-
nunciârit, & Crantzi⁹ eum virum sanctum vocet, ac Surius etiam vi-
tam ejus inter Divorum res gestas retulerit; nullis tamen publicè de-
cretis Divorum honoribus exornatum reperio. Quanquam Meinwer-
ci Successor Rotho Episcopus perpetuum lampadis lumen ad sepul-
chrum, ex certa donatione ad id facta, ardere voluerit; tanquam inter
Divos veneratus, Divorum quoque honoribus exornandum duxerit.
Quemadmodum crypta, in qua corpus ejus primùm quievit, suppli-
cum accessu olim frequentata, ac multi etiam cœlesti ejus ope adjuti
ferantur. Haud multò post per Autumnum excessit è vita Sigebertus
Mindensium Episcopus, vir & Meinwerco familiaris, & Conrado Im-
peratori ob virtutum æstimationem percarus, præclareq; de sua dice-
cesi meritis. Obijt festo D. Geronis Martyris, in Ecclesia S. Martini Epi-
scopi à se condita humatus. Successor ei datus Bruno ex Collegio Ca-
nonicorum Magdenburgensi evocatus, Conradi Imperatoris com-
mendatione. Ad hæc etiam tempora referunt Comitum Schaven-
burgensium origines ab Adolpho Santersevio, qui Sigeberti Episcopi
beneficio primùm emerferit, firmâritq; ejus Comitatus hereditariam
sedem. Fatalis quoq; hic annus Corbeiensibus, quo & villa Huxtaria
tota cœlesti igne, & Cœnobium pestiferâ lue prope absumptum est.

A N N A-